


Candidate Name: _____

Class

Adm No

--	--



2014 Promotional Examination 2

Pre-university 2

MALAY LANGUAGE H1

8636/01

Paper 1 (Part 2)

1st Sept 2014

3 hours
(Total Time for Part 1 and Part 2)

Additional Materials: Writing Paper
 String

ARAHAN UNTUK CALON

1. Sebelum kamu menjawab soalan, tuliskan nama, kelas dan nombor indeks kamu pada setiap kertas jawapan.
2. Baca arahan yang diberikan bagi tiap-tiap bahagian dengan teliti. Kemudian, jawab soalan seperti yang diarahkan.
3. Kamu tidak dibenarkan menggunakan kamus untuk bahagian ini.

BAHAGIAN 2 (80 markah)

ARAHAN: Jawab SEMUA soalan.

BAHAGIAN A SOALAN A1 (10 markah)

(Soalan 1-5)

Arahan: Dalam petikan karangan di bawah ini, terdapat 5 patah perkataan yang memerlukan imbuhan. Kenal pasti perkataan itu dan bubuh imbuhan yang sesuai. Kemudian, tulis jawapan kamu mengikut susunan perkataan dalam petikan karangan pada kertas yang disediakan.

Majlis Pembangunan Masyarakat (CDC) Barat Laut telah menghasilkan sebuah buku panduan sebagai sebahagian daripada usahanya membantu menangani perubahan iklim di Singapura. Buku itu bertujuan menggalakkan orang ramai, terutama para belia, usaha inisiatif yang dapat membantu mengurangkan kesan perubahan iklim. Ia dilancarkan oleh Datuk Bandar CDC Barat Laut, Dr Amy Khor. Buku panduan itu mengandungi panduan memulakan dan menguruskan inisiatif hijau serta cara-cara mendapatkan taja dan nasihat daripada pertubuhan-pertubuhan berkaitan. Ia turut memaparkan kisah-kisah kejayaan para juang alam sekitar bagi dijadikan inspirasi. Sejumlah 2,000 naskhah buku panduan itu telah dicetak dan akan edar ke sekolah menengah dan pertubuhan akar umbi. Selain itu, Peraduan Penyelidikan Perubahan Iklim MyE, sebuah peraduan penyelidikan dalam talian anjuran bersama Singapore Technologies Electronics Ltd (Sistem Latihan dan Simulasi) dan CDC Barat Laut juga telah dilancarkan. Ia bertujuan menggalakkan pelajar menjadi duta perubahan sekitaran yang memahami kesan perubahan iklim terhadap Singapura. Peraduan itu dibuka kepada para pelajar sekolah menengah. Setiap kumpulan peserta yang diri daripada tiga sehingga lima pelajar, akan menjalankan kajian dan pembelajaran sendiri dengan tema 'Perubahan Iklim di Singapura dan Cabarannya ke atas Sekitaran'. Mereka kemudian akan mengetengahkan cara-cara inovatif bagi menangani kesan perubahan iklim dan mempersembahkan pengetahuan serta pandangan mereka.

Dipetik dan diubah suai daripada "Panduan Usaha Bantu Tangani Perubahan Iklim", karya Nur Dhuha Esoof, 7 Jun 2012, <http://cyberita.asiaone.com/singapura/panduan-usaha-bantu-tangani-perubahan-iklim>

(lihat halaman sebelah)

SOALAN A2 (10 markah)

Arahan: Pilih peribahasa yang sesuai bagi situasi yang diberikan. Kemudian, tulis huruf jawapan pilihan kamu pada kertas jawapan yang disediakan.

- (A) Cembul dengan tutupnya
- (B) Pukul anak sindir menantu
- (C) Patah kemudi perahu hanyut
- (D) Kelapa muda tidak berminyak
- (E) Pandai menyelam di air dalam
- (F) Seperti gunting makan di hujung
- (G) Duduk seperti kucing, melompat seperti harimau
- (H) Khabar jauh didengar-dengar, khabar dekat difikir-fikirkan

- 6 Sejak tumpasnya sistem pemerintahan yang diketuai Perdana Menteri Svetlana Rovinski, negara yang terletak di Eurasia utara mengalami keruntuhan ekonomi yang teruk serta pergolakan sosial yang berterusan, lebih-lebih lagi setelah didapati bahawa terdapat beberapa anggota parlimen yang pecah amanah.
- 7 Pereka hias dalaman yang dipilih Razi didapati dapat memahami keperluannya untuk mengubah elok rumah dalam masa yang singkat serta dapat memenuhi cita rasanya yang gemarkan konsep moden.
- 8 Tiada sesiapa yang dapat menduga bahawa pegawai baru yang ditugaskan untuk menguruskan projek itu merupakan seorang pekerja yang bukan sahaja cekap menjalankan tugas, malah mahir menyelesaikan konflik yang timbul walaupun dia merupakan seseorang yang berat mulut.
- 9 Rauzan telah kerap kali menyuarakan rasa tidak senangnya kepada pengurus syarikat bahawa Jill tidak layak menyandang jawatan sebagai pembantu pengurus kerana pengalaman Jill yang bukan sahaja cetek dalam bidang pemasaran, malah sikapnya yang masih kurang matang boleh menimbulkan lebih banyak masalah.
- 10 Taib dan Rosemah memang telah merancang agar anak tunggal mereka dijodohkan dengan anak Encik Lau. Taib ingin memastikan agar anaknya akan dapat mewarisi secara senyap kekayaan yang dimiliki Encik Lau, pesaing utamanya dalam bidang perniagaan.

(lihat halaman sebelah)

BAHAGIAN B (20 markah)

Arahan: Pilih perkataan yang paling sesuai daripada perkataan-perkataan yang diberikan dalam kurungan bagi melengkapkan jalan ceritanya. Kemudian, tulis jawapan pilihan kamu pada kertas yang disediakan.



Kini, kita berada dalam zaman teknologi. Komputer merupakan salah satu alat teknologi yang popular dalam kehidupan masyarakat moden. Apakah yang dimaksudkan dengan komputer? Komputer merupakan alat atau mesin automatik yang boleh (11)_____ (**disusunkan, diaturcarakan, dijadualkan, dikerahkan**) untuk menerima dan mengolah data dan kemudian mengeluarkan data yang diproses secara bersistem. Komputer juga berfungsi sebagai alat untuk memproses data menjadi maklumat. Perkembangan teknologi maklumat dan komunikasi (TMK) dilihat mampu (12)_____ (**merintis, membuat, menghala, membawa**) kemajuan dalam kehidupan masyarakat moden hari ini. Hal ini dikatakan demikian kerana kini pelbagai lapisan masyarakat tanpa mengira usia sudah mengenali TMK. Walaupun mereka tidak mengetahui secara (13)_____ (**keseluruhan, kebanyakan, ketetapan, kepakaran**) tentang TMK, asas dalam penggunaan komputer sememangnya sudah dipelajari dan diketahui. (14)_____ (**Operasi, Kegiatan, Gerakan, Situasi**) ini menunjukkan bahawa komputer bukanlah sesuatu yang (15)_____ (**lazim, asing, kerap, cukup**) dalam kehidupan masyarakat moden. Penggunaan komputer kini menjadi sebahagian (16)_____ (**dari, daripada, pada, kepada**) kehidupan harian kini. Masa dapat diijimatkan kerana pengguna tidak perlu bersesak dan beratur untuk menunggu (17)_____ (**pusingan, aturan, susunan, giliran**) di kaunter bayaran. Masyarakat moden juga menggunakan komputer untuk (18)_____ (**berhubung, bertaut, berangkai, berjalin**) antara satu sama lain. Di samping itu, komputer juga digunakan oleh pengguna yang sibuk; internet dilayari untuk mendapatkan pelbagai berita dan informasi terkini. Pada masa kini, pembelajaran secara interaktif menjadi (19)_____ (**pilihan, galakan, buruan, soalan**) guru dan pelajar. Ia berkonsepkan seni visual, animasi dan tiga dimensi yang dapat (20)_____ (**diusulkan, direncanakan, disusunkan, disesuaikan**) dengan pelbagai subjek. Justeru, jelaslah bahawa penguasaan dalam bidang TMK mampu melahirkan individu yang berdaya saing dalam arus pemodenan.

Dipetik dan diubah suai daripada "Komputer dan Masyarakat Moden", karya Nor Suhana Rasdi, Dewan Siswa, Disember 2011.

(lihat halaman sebelah)

BAHAGIAN C (40 markah)

Arahan: Baca petikan karangan di bawah ini dengan teliti.

Remaja Prihatin, Remaja Sihat Oleh Asrul Ilham Sany	
<p>Kesihatan amat penting untuk generasi muda terutamanya remaja. Remaja merupakan proses perantaraan manusia dari zaman kanak-kanak hingga ke zaman dewasa. Masalah kesihatan seperti obesiti dan diabetes kini semakin kerap dikaitkan dengan remaja. Penjagaan kesihatan yang rapi dapat mengurangkan risiko diserang penyakit kronik. Kesihatan yang terjaga ketika di peringkat remaja merupakan langkah permulaan yang positif bagi memastikan tahap kesihatan yang baik pada peringkat dewasa. Keprihatinan terhadap kesihatan pada peringkat remaja dapat menanamkan kepekaan dan pengamalan penjagaan kesihatan secara lebih konsisten ketika di alam dewasa.</p> <p>Teras penjagaan kesihatan ialah pengamalan satu proses yang menyeluruh. Kunci penting dalam penjagaan kesihatan adalah dengan mengetahui, melakukan dan menyeimbangkan amalan-amalan tersebut. Mengetahui perihai kesihatan dapat dilakukan melalui pelbagai cara, termasuk melayari laman sesawang, membaca buku dan bertanya pakar kesihatan. Laman sesawang Lembaga Penggalak Kesihatan Singapura (HPB) padat dengan informasi berguna yang boleh dirujuk oleh remaja seperti topik-topik berkenaan dengan kesihatan, langkah-langkah penjagaan kesihatan dan informasi tentang mereka yang ingin berhenti merokok.</p> <p>Jika remaja gemar membaca buku, ada beberapa buku rujukan tentang kesihatan yang boleh dijadikan bahan bacaan. Namun, sekiranya remaja masih ragu-ragu dengan maklumat dalam laman sesawang dan buku, remaja boleh bertanya sendiri hal kesihatan dengan pakar dalam bidang ini. Tindakan bertanya amat digalakkan sebelum mencuba sendiri langkah-langkah penjagaan kesihatan. Kes-kes menakutkan tentang remaja yang cuba berdiet dengan tidak seimbang kerana khuatir akan masalah obesiti sering kali berlaku kerana tiadanya bimbingan serta rujukan daripada pakar kesihatan. Sumber informasi yang sahih dapat memandu remaja ke arah pencapaian tahap kesihatan yang baik.</p>	<p>Melakukan aktiviti yang dapat membantu remaja menjadi lebih cerdas merupakan kunci kedua. Pada asasnya, terdapat beberapa aktiviti penting yang harus diikuti oleh remaja supaya hidup lebih bertenaga. Pemilihan makanan berkhasiat merupakan salah satu aktiviti penting bagi menjamin kesihatan tubuh remaja. Remaja memerlukan kandungan protein, karbohidrat, vitamin dan lemak dalam badan. Kandungan ini perlu diambil berdasarkan piramid makanan. Cara yang mudah untuk diikuti adalah dengan mengambil makanan utama tiga kali setiap hari, iaitu sarapan, makan tengah hari dan makan malam. Hasilnya, kecerdasan yang dicapai akan menjamin pertumbuhan badan yang stabil.</p> <p>Kedua, remaja juga perlu prihatin tentang penjagaan kebersihan diri. Hal ini bukan sahaja penting bagi memastikan badan remaja tidak berbau dan disenangi orang lain, tetapi bagi memastikan remaja tidak terdedah kepada sebarang punca penyakit seperti bakteria berbahaya. Akhir sekali, melakukan aktiviti senaman secara fizikal bukan sahaja dapat memberikan manfaat sosial, malah ia juga dapat menyihatkan aspek jasmani dan mental remaja. Pendek kata, usaha yang dilakukan secara berhemat menjanjikan kesan yang menggalakkan kerana remaja akan berasa bahawa tahap kesegaran badan mereka akan meningkat.</p> <p>Kunci terakhir ialah keseimbangan hidup di mana segala yang dilakukan dalam kehidupan perlu berpaksikan kesederhanaan dan keseimbangan. Ini dapat memastikan yang kepuasan dan kebahagiaan dapat dicapai oleh remaja dalam kehidupan, di samping meningkatkan produktiviti dan daya kreativiti mereka.</p> 
<small>Dipetik dan diubah suai daripada "Remaja Prihatin Remaja Sihat", karya Asrul Ilham Sany, Dewan Siswa, September 2011.</small>	

(lihat halaman sebelah)

Arahan: Berdasarkan petikan di halaman 5, jawab soalan-soalan berikut dengan menggunakan ayat kamu sendiri. Kemudian, tulis jawapan kamu pada kertas jawapan yang disediakan.

21. Berikan tiga kepentingan penjagaan kesihatan di peringkat remaja. (6m)
22. '*Kunci penting dalam kesihatan adalah dengan mengetahui, melakukannya dan menyeimbangkan amalan-amalan tersebut.*' Jelaskan proses penjagaan kesihatan yang penting bagi diri remaja. (6m)
23. i) Terdapat tiga aktiviti penting yang perlu diikuti remaja supaya hidup lebih bertenaga. Huraikan. (6m)
- ii) Nukil ayat yang menunjukkan bahawa tanpa pengawasan, pengamalan penjagaan kesihatan yang tidak terkawal boleh mendatangkan masalah kepada remaja. (2m)
24. Terangkan maksud perkataan-perkataan berikut menurut konteks petikan karangan yang diberikan: (8m)
- i. perantaraan
 - ii. menyeimbangkan
 - iii. kecerdasan
 - iv. berhemat
25. Berdasarkan petikan karangan yang diberikan, ringkaskan perenggan kedua hingga kelima dengan menggunakan tidak lebih daripada 50 patah perkataan. (12m)

SELESAI